



Kamis, 17 Februari 2022
Ogen : Matius 7:7-11



"Pindolah"



Tep-tep wari ertambah-tambah pemindonta man Dibata, sebab tek kita kalak simindo man Dibata tentuna ngalo sue ras sura-sura Dibata (ayat7-8). Pemindonta eme gelah peraten Dibata sijadi labo peratenta. Lit salah sada buku Teologi si ngerana kerna Mother Theresa, nina "*ketika kita meminta kepada manusia, tundukkanlah kepalamu agar engkau benar-benar dihormati dalam meminta, tetapi ketika engkau meminta kepada Tuhan berlututlah agar Tuhan tahu apa yang harus diberikanNya kepadamu.*" Dibata meteh kai saja siiperluken nandangi kegeluhenta sekalak-sekalak. Ope denga kita mindo, enggo ietehNa kai si perlu man banta. "Pindolah", enda renungen man banta i bas wari enda. Kai atendu pindondu? (*Mari tutup kentsik matandu lebih kuang 1 menit, pindolah man Dibata kai si paksana lit mentas bas ukurndu, ras tama tanndu bas tentenndu nggo kari sada menit buka ka matandu*). Uga penggejapenndu i bas kam mindo man Dibata? Pasti lebih tenang akapndu, amin gia lenga sieteh nta kai si jadi kerna sura-sura ras pemindonta e. E tandana nggo iendeskenndu pemindonndu e man Dibata. Kai pe hasilna arah kerina pemindon e, e pasti siterbaik versi Dibata man banta. Bali bagi siibelasken bas ayat 9-10, "*Tentu labo lit i bas kam bapa mereken batu man anakna adi ipindona roti man bandu, bage pe tentu la iberekenndu nipe adi ipindona nurung.*" Emaka Pindolah ras tuktuklah, em nina Dibata. Ula pernah kita lupa, Adi kita mindo daramilah Dibata e. Ula kita mindo alu paksaan man Dibata. Siingetlah, Dibata e erkuasa nandangi kegeluhenta. Ia erkuasa nandangi kerina pemindonta. Janah katakenlah bujur man Dibata. Pindolah, sebab Dibata me Bapanta, man Ia me kita mindo, labo man sideban nta kalak pentar, sembah-sembah doni. Dibata mere si perluken kita i bas paksaNa.